



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Illvstrivm Societatis Iesv. siue in Anni dies
digestæ Mortes Illvstres Eorum qui ex eadem Soc. Iesu, in
odium fidei, pietatis, &c. ... confecti sunt**

Nádasi, János

Romæ, 1657

November.

urn:nbn:de:hbz:466:1-44029

etiam miraculis honora-
tum.

NOVEMBER.

P. Petrus Paulus Navar-
rus, & duo Socij.

ANno 1584. in Indiam,
inde in Iaponiam pe-
netrauit: vbi cum pro fide
libris & concionibus mul-
tum, varièque satageret, ex-
torris è Iaponia, eodem
clam redijt ignotâ veste, nu-
dipes; noctu ad Christianos
adiuuandos tacitè cuncta
perreptans. In fouea latuit
per plures dies, à Deo istic
mirificè recreatus. Socios
rexit charitate morem com-
munem supergressâ. Pro
morte (quam flammis ab-
sumptus obijt gloriosam) se
parans, generalem confessio-
nem,

*Italus.
Ximaba-
ra.
1. No-
uemb.
1622.
etat. 62.*

Zelus.

*Prepara-
tio ad
mortem.*

nem, & S. P. Ignatij Exercitia ei præmisit: orandi assiduitatem intendit, eique alterum tantum adiecit: cilicium nūquam deposuit; singulis noctibus acerrimè se verberans, hebdomadâ totâ ieiunans, & in ipsis quoque carceribus Christum prædicans, pluresque baptizans. Totas aliquando noctes dedit MARIANO P. Spinelli throno, seu libro in linguam vernaculam transfere-
 B.V. *ndendo*, quem etiam feliciter deduxit ad finem: vt istic Deiparæ gloria propagaretur. Primo die Nouembris (tum adhuc inconsciis eum diem sibi supremum esse in
Sacrum? *ultimum.* hac vita) sacrificauit lacrymis affluenter effusis, & ad 26. Christianos tanto sēsu dixit, vt omnes largo fle-

tu

tu
 tis
 cur
 dar
 bus
 pon
 tra
 ber
 ear
 co
 qu
 ter
 ni
 in
 R
 tu
 eti
 re
 xu
 etu
 tru
 no
 qu
 ui

tu maduerint. Allata mor- *Fides.*
tis sententia hæc erat: Xe-
cum Imperator Iaponia Patrem
damnatum iubet vinum com-
buri, quòd remanserit in Ia-
ponia, iussus excedere; & con-
tra Regis edicta, quæ prohi-
bent Christi legem vulgari,
eam disseminarit. Rosario è *B.V.*
collo pendente, velut tor-
quatus, lætus ibat ad mor-
tem, Socijs præcinens lita-
nias. Palo alligatus, cùm *Litanie.*
inter flâmas IESVM & MA-
RIAM ingeminare audire-
tur, concidit. Cilicium
etiam in corpore mortui est
reperitum. Organtinus Tan-
xu in carcere odio fidei vin-
ctus, biennio postea P. Pe- *Calum.*
trum Paulum vidit in amœ-
no loco splendentem; & se-
quoque ad illum locum bre-
uè peruenturum audiuit: id
P quod

quod factum, cum haud multò post eadem de causa combustus est.

Dionysius Eugixima, & Petrus Onizacca.

*Iapones
eodem
die.*

Hi duo Iapones de Societate, cum tertio quodam externo, Patris Petri Pauli Socij fuere usque ad mortem in flammis adeptam. Cumque ad illam animo hilari irent, litanias cum eo cecinerunt.

*Litania.
Oratio.*

P. Laurentius Passokius.

*Silesius.
in Castris.
2. Nov.
1642.
aetate 42.
Soc. 18.*

Præclarè in castris operæ utiliter positæ veluti pretium tulit nobilem mortem Laurentius. Etenim cum tribuni in Lipsiensi pugna vulnerati confessionem exciperet, ab hoste hæretico victore deprehensus, & quis esset interrogatus, ac **MARIAM** Deiparam execrari ius-

B.V.

iussus, se Sacerdotem Ortho- *Fides.*
 doxum professus, MARIAM
 verò non tantum nolens exe-
 crari, sed & sumis quibus po-
 terat laudibus extollens, ab
 exacerbato per eam auda-
 ciam hoste, gladio percuf-
 sus, & glande plumbeâ eo-
 dem in loco peremptus est.
 In Societate Ministri ac Re-
 ctoris munijs laudatè fun-
 ctus, non semel etiam ob
 fidem extorris, eiusdem
 amore non pauca & tulit, &
 fecit.

P. Matthæus Cramerus.

Idem dies eodem loco
 causâ non dispari extinctum
 vidit P. Matthæum Crame-
 rum, cum ex equo desiliens
 aures præberet peccata con-
 fitenti tribuno Catholico ea-
 dem in pugna faucio, & mor-
 tem opperienti.

*Bobemus :
 ibid.
 eodem
 die.*

P 2 P.la-

P. Jacobus de Mesquita.

Iustitanus.
in Iapo-
nia.
4. Nov.
vel 14.
1614.
etat. 61.
Soc. 39.

Nobili domo natus, & P. Francisci Pacieci auunculus. Per annos duodequingenta Iaponiã excoluit. Duxit ad Greg. XIII. Boncompagnum, magnum illum & Apostolicã suã illã beneficentiã orbi terrarum notum Pontificem, in Europam trium Iaponicorum Principum Oratores. Virtute, ac labore quàm doctrinã maior, magna planè ac mira perpeffus est. Duo in silva armati illum iam adoriebantur, tesserario signo alijs quoque ad idem faciendum dato: ille interea se adorandum composuit, & illæsus permissus est. In celebri illa Iaponiæ tempestate contra Christi sectatores coortã, cùm Christiani vrgerentur ad

*Oratio.**Fides.*

ac
te
Ia
at
in
fe
br

C
cr
ca
ab
ac
rr
pe
m
pe
al
pe
I
or
I
to

ad venerandum idola, & templa diruerentur, etiam Jacobus eiectus in exilium, arumnis confectus, per iter in tenui piscatoris casa, felici morte latus contabuit.

P. Ioannes Arnoldi.

Impiger operarius Dei. Cum diuinis operatus à sacro & concione rediret, eius calix & sacrificales vestes ab hæreticis rusticis direptæ, ac per contumeliam impiè tractatæ: ipse ab iisdem, posteaquam sudibus pessimè vapulauit, deinde asciam perfracto capite arbori est alligatus. Iugulum illi præscindens dirus rusticus: *I nunc, inquit, si potes, tuum illud Dominus vobiscum repeti-*

*German.
V. v. v. v.
bos. d. e.
11. Nou.
1631.*

Fidel.

P 3 P. Vin.

P. Vincentius Damianus.

Italus.
in Philip-
pinis.
 11. Nov.
 1649.
 aet. 34.
 Soc. 18.

Fides.

Anno 1641 Philippinas
 obtinuit. In ipsis Indijs In-
 dias magis reconditas, & ar-
 duas perferutatus. Fuit in-
 conditæ illius turbæ admi-
 tia studia suavis ductor. Apud
 Iubigenses, & Bacerenses
 barbaros heroë digna gessit
 pro fide, & passus est; usque
 dum in Crucifixi amplexu
 (pro quo, & cui animam
 deuovebat) lanceâ confixus,
 vitæ finem impleuit: & eam
 quam ab infantia incorru-
 ptam ab omni grauiore no-
 xâ seruârat innocentiam, de-
 uotâ puri sanguinis purpurâ
 cumulata nobilitauit; reli-
 giosorum iuxta, & secula-
 riū ore dictus: *magnus Euan-*
gely vindex, & ipsâ morte
 assertor. Sic mori decebat
 virum in primâ ætate Ange-
 li-

licum, heroëm in robusta.
 Nox illi persæpè vigil ducta
 in delicijs Dei; quem ubi- *Oratio.*
 que præsentem perpetuâ
 consuetudine ad opem suæ
 tenuitati ferendam religiosè
 vocabat. Vnde illi vis ani-
 mi vegeta, & vires corporis,
 ac dulcis de fideli Deo fidu-
 cia, illis etiam quas de diui-
 næ perfectionis excelitate
 particulatim in Deo sapè-
 mente tractabat commenta-
 tionibus validissimè confir-
 mata.

Paruus Ioannes, seu

Nicolaus Odoenus, Coad.

Hic in Anglia sub adscito
 Ioannis Parui nomine latuit.
 & in pufillo corpore magnam
 animi vim ostendit. Excel-
 luit ingenio ad inueniendum,
 accomodandumque latebras
 in quibus delitescerent Pa-

*Anglus.
 Londini.
 12. Nou.
 1606.*

Fides.
Mortif.
Humilis.
tas.

tres, & sacer apparatus. Non semel in carcere, catena grauis, colaphos, inedia, & alia perpeffus est quæ hæreticus furor in Catholicos exercet cum rerum potiuntur hæretici. Cilicium ramentum, idque persanè asperum, nunquam à corpore deponebat. Per tres ipsas horas tortus, pependit ferro onustus; sed nihil quod fidei, nihil quod fidelibus noxæ foret dixit, aut admisit. Eâ fuit modestiâ, ut velut indignus Coadiutoris nomine, semper se pro Patrum famulo potiùs quàm Coadiutore haberi optaret. Cum iterùm captiuus teneretur; scireturque quàm nobilis cæcarum latebrarum artifex esset, miris, longis, inusitatis per septem horas ipsas

tor-

tormentis excarnificatus est
per continuatos plures dies,
visceribus ipsis fluentibus.
Ita fortissima, & innocentia
magnisque virtutibus diues;
illa anima lacerum corpus
memorabili fine deseruit.

P. Franciscus Riberius.

Goæ ad Societatem ag-
gregatus, Mozambico po-
stea ad Cafres in extrema
zona torrida sitos profectus
est, missu maiorum; & cum
Rege non parùm profecit
pro Christi lege prædican-
da, erigendâ Cruce, templis
excitandis. Ea res Sarace-
norum pro lege Mahometi
contra Christi legem fata-
gentium odia excitavit: qua-
re illum ad aras diuino sa-
crificio intentum hastis trās-
fixum interemere, hostiam
gloriosam.

*Lusitanus
in Africa.
incerto
mense.
1620.
ætat. 36.
Soc. 21.*

Fides.

Sacrificium.

P. Franciscus Fernan-
dus.

Lusitanus.
apud Cha-
tiganos.
24. Nov.
1602.

Cocino Bengalium in
Regnum anno 1598 missus,
ibi linguam perdidicit; &
quà dicendo, quà scribendo
ad fidem Christi plures ad-
duxit. Pacem Lusitanos in-
ter ac Barbaros fortè rixan-
tes dum conciliaret, à tur-
ba probris & pugnis pessimè
acceptus, ad carcerem abre-
ptus, in ferro & ærumnis
diem extremum obiit, si non
fidei victima, certè virtutis,
id est pacis, & charitatis.
P. Iacobum de Mesquita
hoc die putant aliqui diem
ultimum morte confecis-
se: nos de illo 4. Nouem-
bris.

Indus.
in Para-
quaria.
25. Nov.
1628.
atq. 52.
Soc. 19.

P. Rochus Gonzalez de
S. Cruce.

Hispano quidem ortu, sed
na-

natali solo in Paraquaria natus, & educatus est in Reductione Beatiss. Virg. Assumptæ, vt vocant. Varios istic populos mitigauit, & Christo subegit. In Vru-gaicam Prouinciam primus Christum intulit anno 1620. & primæ ibi Coloniae, seu Reductioni, Immaculatę Cõceptionis nomen dedit. Ipse barbaris, mapalia concinnabat, Rempublicam, & magistratus distinguebat; leges & agros dabat; communis omnium rusticus, agrarię œconomię præfectus, Pater, magister, omnia. Quæsitus est aliquando ad *Fideso.* necem; cum autem non reperiretur, templum & Cruce diruta est. Etiam terram Tapè lustrauit. Post sacrum

celebratum, ab irruentibus
coniuratis bicubitali clauâ
lignea silice armatâ in P. Ro-
chi caput vibratâ, eius cere-
brû humidispersum est, alijs
alia vulnera certatim exag-
gerantibus, & mox barba-
ro plausu orto. Inde ita ve-
erat quassatum caput rese-
ctum est. Quinquaginta tres
barbari testes affirmant au-
ditas cordis è pectore P. Ro-
chi has voces: *Occidistis
eum qui vos diligit: occidistis
corpus meum: & ossa mea con-
triuistis: at non animam, quæ
iam inter Beatos versatur in
Cælo. Multa vobis calamita-
tes euenient ob mortem meam:
quia venient filij mei penas
repetituri, ob violatam Dei
Matris imaginem. At illi:
Hem præstigator ille adhuc
lo-*

*Cor.**Charitas.**R. V.*

loquitur? Mox euulsus
illi cor è pectore loqui de-
sijt. Cor in ignem vnà cum
teli cuspide iniectum, com-
busto telo, integrum inuen-
tum, & anno 1633 Romam
perlatum est. Omitto ea
quæ de iumento illius per-
scribuntur.

P. Alphonfus Rodri-
guez.

Innocens illi ad mortem
vsque fuit conscientia san-
ctæ nitor; ingenium litera-
turâ multâ instructum: sed
oculi hebetes, à fufis crebrò
lachrymis, cogitatis potif-
simùm cruciatibus amantif-
simi Crucifixi. Cæso P. Ro-
cho, ignarus quid rerum
turbaretur Alphonfus pro-
diit; & non vno Indico aci-
nate in capite faucius, in
li-

Hispanus 3.

ibid.

Soc 140.

Oratio 3.

*Fider.**Crucifixus.**B.V.*

*Indus .
 apud Te-
 p. guanor.
 16. Nou.
 1626.
 Hist. 35.
 Sec. 14.*

limine templi concidit victi-
 ma fortunata . Et huius , &
 P. Rochi cadauera vulneri-
 bus cooperta , circa tem-
 plum raptata, truncata, igni
 bis iniecta , vnâ cum ebur-
 neo altero & altero plum-
 beo Crucifixo . Sed tam
 corpora quàm Cruci affixi
 Christi simulachra postridie
 integra inter cineres templi
 reperta sunt . Sacrificialis
 liber , & Beatissimæ Virginis
 Matris imago frustatim dis-
 cerpta ; ob quam cor P. Ro-
 chi eis , vti dixi , minita-
 bundâ voce loqui auditum
 est .

*P. Ferdinandus de To-
 uar .*

Culiacanæ in Hispania
 noua claris natalibus , & be-
 neficâ erga Societatem stir-
 pe

pe
 li
 ac
 n
 n
 n
 se
 v
 M
 p
 f
 x
 p
 c
 r
 f
 c
 v
 a
 t
 v
 l

pe ortus, ingenio ad omnem
 literariam disciplinam, &
 ad Ecclesiastæ dotes ac mu-
 nus prompto Societatem or-
 nauit. Beatissimam Virgi- *B. V.*
 nem precibus variè coluit;
 sed imitatione potissimùm
 virginitatis, & humilitatis.
 Mater illius, pia, & locu-
 ples vidua, vnà cum nepte,
 sanctimonialibus se adiun-
 xit. Apud Tepeguanos dum
 pro re Christiana satageret,
 contra illum, & socios, ac
 religionem denique Chri-
 stianam, barbaros illos con-
 citauit homo veneficus: cuius
 verbis efficacitatem addidit *Demon.*
 ad spectabilis palàm dæmon,
 tristia illis minatus omnia, ni
 venefico illi parerent. Ergò
 P. Fernandus humi profligatus,
 & in pectore lanceâ
 con.

Fides.

confossus est; alijs barbaris
 ibterea exprobrantibus, di-
 centibusque: Itane peracta
 iam vobis videntur omnia,
 cum vestro illo carmine:
Pater noster, Ave MARIA?
 Videbinus quomodo Deus
 ille quem prædicant hunc
 saum mortuum suscitabit.
 P. Ferdinandus cum olim,
 tunc adhuc puer, videret
 matrem suam occupatam in
 scrinio paruulo præparando,
 vt in illo P. Gundifalui Ta-
 pia in odium fidei tunc cæsi
 caput reconderet, dixit: Ni-
 mis angustus est loculus iste
 pro illo capite. Serua hoc
 scrinium capiti meo, Mater:
 nam & ego sic cædar. P. Fran-
 ciscus Arista Missionis Su-
 perior, persanctè testatus est,
 Patrem Ferdinandum illicò
 ab

Mort.

ab obitu sibi conspectum
 pallidum, specie mortualis;
 mirantique sibi, ac petenti
 ecquid cum illo ageretur,
 mox vultu hilari respondit
 se: *Benè, feliciter!* In Calo
 bona omnia mihi abundè sunt:
 in Deo omnia bona possideo:
 nec quicquam aliud mihi de-
 siderandum est. Et videri
 desisse. Matri quoque il-
 lius, Mexici venerabili spe-
 cie vir de Societate quispiam
 per quietem dixit; Eius fi-
 lium odio fidei cælum esse.
 ac paulò post, appulso istuc
 mortis nuncio, veritas dicti
 apparuit; mirà cum ijs con-
 fensione quæ matri iam olim
 puer de se à barbaris cæden-
 do, vt retuli, prædixerat
 Ferdinandus. P. Petrus Or-
 tigosa, eius olim magister,

Cæluzs.

per

Columba.

per quietem vidit agmen
 aduolantium ad se in candi-
 da nubecula pulcherrima-
 rum columbarum, quæ can-
 tu quodam eum ad Deum
 laudandum inuitabant, ca-
 nentes: *communem omnium
 Dominum laudibus effeximus.*
 Inter hæc alis blandè plau-
 debant; & Petri brachio in-
 sidebant. Dux aliarum se
 Patris Ferdinandi specie
 præbuit agnoscendam è co-
 lumba velut mox homo. Et
 hæc Petrus iureiurando affir-
 mauit.

P. Joannes de Castillo.

*Hispanus.
 in Para-
 quaria.
 17. Nou.
 1628.
 et. 33.
 Sec. 14.*

In Paraquaria pulcherri-
 mis perfunctus laboribus cū
 P. Rocho, de quo heri dixi,
 Caeiquij diuinitatem sibi ar-
 rogantis iussu, dum diuino
 officio recitando intendit,
 fu-

fustibus verberatus, iaculis
 confixus, ense tribus vulne-
 ribus saucius, nudus per aspe-
 ra perque aquas fune rapta-
 tus, orabat Deum latinè; ac
 vernaculo idiomate ingemi-
 nabat identidem: *Tupare;*
 id est; *Sint hæc Dei amore.*
 Expansis deinde in crucem
 brachijs, arbori alligatus,
 percussus, duobus saxis capi-
 ti illis interemptus est. Ca-
 dauer à tigridibus intactum,
 flammis abolicum: Crucifi-
 xi effigies in templo contri-
 ta: & ille diuinitatis affecta-
 tor, sacris per ludibrium in-
 ductus baptizatos coadu-
 nauit, eorumque vertices
 aquâ calidâ abluit chrismati
 abolendo; linguas testâ ra-
 sit, sali baptismatis era-
 dendo.

*Amor Dei.**Patientia.**Fides.**P. Di.*

*P. Didacus de Orosteo.**Hispanus.
apud Te-
peguanos.
18. Nov.
1616.**Storo pre-
d. 1616.**Euch.*

Illustri ortu, Marchionis
Mortaræ nepos, cum puer
adhuc esset, aiebat se So-
cietati daturum nomen; in
Indiam transmissurum; ibi-
que cædendum in odium fi-
dei Christianæ. Apud Te-
peguanos passus licet duris-
sima, tamen corpus tenerum
flagris ac cilicijs atterebat,
seruando virginitatis the-
sauro; quem & seruauit.
Extremo die, prædixit Chri-
stianis; eo die sibi morien-
dum esse: id quod factum.
Etenim cum Sanctissimum
Eucharistiæ Sacramentum
portaret, visi sunt illud im-
pij barbari adorare. Aiebat
ille; præsentem istic esse
Deum, qui bonis præmia
ma-

malis verò supplicia esset
 redditurus. At illi, menti-
 ri eum dicebant; Deum
 enim Christianorum non lo-
 qui. Irruitur in sacram py-
 xidem (quam custodiam &
 ciborium vocant) sparguntur
 sacræ particulæ: imago Bea-
 tissimæ Virginis (quam no-
 bilis vir ponè gestabat) dis-
 cerpitur; Christiani cædun-
 tur. P. Didacum barbari
 octo corripiant, & eo in al-
 tum sublato clamât id quod
 ab eo in sacro sæpè audie-
 rant: *Dominus vobiscum.* Re-
 spondent alij: *Et cum Spi-
 ritu tuo.* Interea vnus quis-
 piam dorsum illi, ac pectus
 iaculo eminus transuerbe-
 rat. Humi prostrato in cru-
 cis modum explicant bra-
 chia, illo dicente: *Agerent;*
sibi mori pro Deo certum esse.

Fides.

B.V.

Mors.

Tum

Tum securi scæuens in eum
Cilicium. quispiam, illum à tergo à
 vertice ad imum vsque diui-
 sit. In femore inuentum ci-
 licium quod profundè in
 carnem penetrârat.

P. Bernardus de Cisneros.

Hispanus.
ibid.
18. Nou.
1616.
etat. 34.
Soc. 17.

Anno 1605. in nouam Hi-
 spaniam nauigauit: vbi la-
 bores, verbera, vulnera plu-
 ra perpeffus est, ob idolum
 euerfum. Indus quidam il-
 lum tribus plagis pectori in-
 fictis prostrauit: sed Bernar-
 dus curatus est; nec auto-
 rem prodidit. Postea lau-
 ceâ confixus, extremum
 in capite vulnus accepit, &
 obiit.

Fides.

P. Ludonicus de Alabes.

Indus.
ibid.
18. Nou.
1616.
et. 27.
Soc. 9.

Claro in noua Hispania
 genere orti Ludouici nomē
 cū in album baptizatorum
 referret Parochus è S. Do-
 mi-

minici familia religiosus ,
 quadam præclaræ illius mor-
 tis vaticinatione, solius illius
 nomen, præter morem, gran-
 di & rubro charactere in li-
 brum retulit. Putatur bapti-
 smalis, quam vocamus, gra-
 tiæ iacturam fecisse nunquã
 per aliquam grauem noxam.
 Perspicax conscientię suę cu-
 stos, in illa, velut in radio,
 etiam atomos peruidebat.
 Modestus illi vultus, & ocu-
 li sæpenumero in cælum,
 sublatis, cum eas preces vi-
 braret voce vel suspirio,
 quas iaculatorias appella-
 mus. Ad mortem cruentam
 se multâ sui afflictatione pa-
 rabat, frequenter tres qua-
 tuorue horas orasse ani-
 maduersus, & Beatissimæ
 Christi Matris omni studio
 colendæ perstudiosus: à qua
 etiam

*Innocens.**Oculi.**Oratio.**Cælum.**B.F.*

etiam certior factus est, fore
 ut in odium fidei caderetur
 die quoque numinatim præ-
 stituto quo id futurum esset.
 Aiunt illam ter ei locutam.
 Et verò coram B. V. imagi-
 ne orantem vidit quispiam,
 vocemque humanâ longè
 augustiorem audiuit quæ illi
 mortem illam gloriosam
 promittebat; Ludouico gra-
 tias impensè agente, ac an-
 nuente. In sacro auditus est
 dicere: Itane, Domine, ta-
 li morte cademus? Et om-
 nes? Fiat voluntas tua. Vn-
 de & F. Sebastiano Monta-
 no Ord. Præd. disertè præ-
 dixit fore ut vterque in fidei
 odium trucidetur. id quod
 euenit.

*Mors.**Sacrum.*

Hispanus.
in vico
S. Ignatij.
18. Nou.
1616.
ætat. 40.
Soc. 15.

P. Ioannes de Valle.

Indos industriâ continua-
 tâ mirum in modum iuuabat

ex-

ex
 ba
 ip
 re
 ta
 ni
 pe
 lu
 ue
 hu
 la
 ca
 di
 cel
 cre
 vt
 vfo
 lec
 ve
 sta
 à P
 cu
 co
 à b

excolebat. Ipse quoque arabat, vt illos arare doceret; ipse illis coquus, Pater, frater, minister, omnia. *Mul. Charitas.* Multa probra (etiam à Christianis Europæis diuitibus) perpeffus est, & falsas calumnias. A sacrificio reuertentem, sacrificali ad- *Fides.* huc apparatu indutum colapho percussit barbarus: & causam rogatus; *causam esse dixit ipsum sacrificium quod celebrasset.* At hæc illi valdè crebra & vsitata fuere. Ipse vt seipsum ad sanguinem, *Mortif.* vsque cæderet, foras in agrum secedebat. Pacificatorijs verbis, & artibus mirè præstabat. vnde illi *P. Ioannis à Pace* nomen adhæsit. In cubiculo in quo eum esse constabat quæsitus ad necem à barbaro, videri non potuit,

B.V.

licet barbaro compertum es-
 set Ioannem istic esse. Glo-
 riosæ cæli Reginae supra
 quàm explicari satis possit
 fuit additus. Audito MA-
 RIÆ nomine erubescerebat,
 oculis colliquescebat, arde-
 bat. Voto quotidie instau-
 rato promittebat, se nil ne-
 gaturum quod illius nomi-
 ne peteretur, si suæ condi-
 tioni esset consentaneum id
 præstare. Chirographum
 suo sanguine conscripsit,
 quo se illi in mancipium de-
 dicauit. Rosarium ei erat
 loco catenæ mancipij, quod
 ille flexis genibus quotidie
 recitabat. Clientelæ pre-
 tium, tessera, tributum erat,
 quicquid cogitaret, loque-
 retur, aut ageret, Virgini
 Beatissimæ dedicare. A fe-
 stis B. Virginis per octo dies

*Manci-
pium.**Festa
B.V.*

Li.

L
 di
 li
 st
 fa
 &
 ti
 tu
 ta
 iu
 D
 in
 fa
 ec
 ci
 N
 ni
 D
 st
 ar
 oc
 A
 tis
 ca

Litanias illius septies quoti-
 die recitabat. Familiare il-
 li erat, Sabbato & B. V. fe-
 stis, atque vigilijs illud ro-
 sarij genus, quo ei centies
 & quinquagies, loco saluta-
 tionis Angelicæ, gratulaba-
 tur de tantâ gloriâ materni-
 tatis cum virginitate con-
 iunctæ. Celebrem quandam
 Deiparæ augustæ imaginem
 interdum quotidie, ac noctu
 sæpius, visitabat; quæ postea,
 eodem tempore quo ille tru-
 cidatus est, telis confixa est.
 Nihil aggrediebatur vnquã
 nisi prius consilio & auxilio
 Deiparæ implorato. Trime-
 stri ante mortem scripsit; se
 ante trimestre in fidei odiũ
 occidendum à Tepeguanis.
 Aliqui in inclytæ illius mor-
 tis omen vertere, quòd in
 caput P. Ioannis Missæ sa-

Litania.

*Sabba-
 tum.*

Q 2 cri-

crificium celebrantis palma
 è S. Agnetis statux manibus
 sit delapsa. Virginem sem-
 per vixisse, ac eò etiam Dei-
 paræ charissimum fuisse,
 compertum est. In eius col-
 lo pendens lipsanoteca re-
 perta est cum particula
 S. Crucis, & chirographo
 quo se Beatissimæ Virgini in
 mancipium dedicârat. Pe-
 tierat ab illo Guadianæ Gu-
 bernator particulam Crucis
 Christi. Respondit Ioan-
 nes; habiturum, sed alibi.
 Respondit promisso euentus.
 Etenim inuenta de eius collo
 pendens illa Crucis particu-
 la eidem Gubernatori cessit,
 memori promissi à Ioanne
 seruati.

*B.V.
 Mancipium.*

*Hispanus.
 apud Te-
 peguanos.
 19 Nou.
 1616.
 etas. 42.
 Soc. 23.*

P. Ioannes Fonte.

Vir vnde quaque impiger
 ad labores magnis etiam

ac

ac multis ærumnis graues,
 cùm sitis illum non rarò ad
 lacunas ipsas bibendas com-
 pelleret. Ipse laterculos In-
 dis conficiebat, vt domos
 extruerent; ipse aratra fa-
 bricabat, agrosque colebat;
 ipse infirmis coquus, medi-
 cus, mediastinus, cibum
 in os inferebat: omnes blan-
 dè, se verò longè seuerissi-
 mè, habebat. Linguas feli-
 citer memoria commenda-
 uit; Tepeguanam arti etiam
 illigauit vt disceretur. Mul-
 tos Christo lucratus, ideir-
 cò in carcerem aliquando
 ad mortem fame istic obeun-
 dam coniectus est. Eius cada-
 ner inuentum cinctum cili-
 cio. Tertio post mense tam
 huius quàm PP. Ioannis de
 Valle, Ludouici de Alabes, &
 Hieronymi de Moranta cor-

*Charitas.**Zelus.**Mortif.*

pora humi nuda, planèque recentia reperta sunt, duobus canibus illa custodientibus. Integer item manipulus concionum, nil corruptus inter tot imbres, ac niues.

P. Hieronymus Moranta.

Hispanus.
ibid.
etat. 41.

Mortif.

Crucifi-
xus.

Oratio.

Sacrum.

Fuit socius P. Ioannis in vita, & morte. Deprehensus est aliquando in loco ab arbitris remoto, Cruci affixi Christi effigiem tenens manu alterâ, alterâ se flagellans, & plorans vbertim, oransque pro salute Indorum, ac pro efficacitate concionum, vt ex in corda profundissimè penetrarent. Inde concione quadam vnicâ facilè quingentos conuertit. Hispani illum Sancti nomine appellabant ab excelsâ existimatione virtutis. Columba circa illum sacri-

fi
se
d
o
R
m
h
c

b
ta
il
p
te
n
c
u
I
d
M
f
c

ficantem volare visa est non
semel, sanguinis fundendi in-
dex. Cædendum in fidei
odium prædixit Alphonsus
Rodriguez; id quod hoc de-
mum die patratum est. In
huius quoque cadauere cili-
cium est repertum.

Mortif.

*P. Ferdinandus de San-
taren.*

Per annos 23. in missioni-
bus Indiæ versatus, virgini-
tate, ac sanctimonix laude
illustris asperrima multa per-
pessus est. Supra 40. noua
templa istic erexit: & vt mi-
nimùm quinquaginta millia
capitum suâ manu baptiza-
uit. Aliquando à duobus
Indis petijt arbori alligari, &
dorso toto flagris concidi.
Magna in illo eminuit cu-
stodia oculorum, suavis pla-
cido in ore verborum vis ac

*Hispanus
in Tene-
rapa.
20. Nou.
1616.*

Fides.

Mortif.

Oculis.

Q 4. ro-

Patientia.

robur, & dulcissimæ in tot periculis ac rebus asperrimis è cælo voluptates. Aiebat; quòd *velle ærumnis carere sit idem ac velle Christo tergum obuertere, atque illum solum sub Cruce relinquere.* Finem ærumnarum reperit in morte, quam illi Tepeguani odio fidei, quæ latius se porrigebat, accensi intulêre. Cùm cæderetur humi abiectus, rogabat; *eccur occideretur.* Respondêre barbari: *Satis superque esse causæ ad cædem quòd Sacerdos Christianus esset.* Ita illi clauâ contractum caput, cerebrumque dispersum est.

*Fides.**P. Ægidius de Abren.*

*Iustinus.
Iacatra.
incerto
mense.
1622.*

In India orientis, cùm in Iaponiam proficisceretur, ab hæreticis Batavis tentus, biennio in carcere salutari-

ter

ter instruxit Catholicos ibidem vinctos, & expiavit, atque in fide firmavit; ne illam sub hæretico iugo spe-
 aue metu industi desererent. Eapropter ab hæreticis con-
 tumelijs, inediâ, & vario crudelitatis inhumanæ ingenio cruciatus, cognomen-
 tum apud illos habebat ferè *diaboli, & Papiste*. Demum plagis quoque adiectis confectus, victor animam edidit.

Fidos.

P. Ludovicus Alvarez.

Concionator tantus fuit, vt summus Pontifex Preposito Generali dixerit; se auditione accepisse, esse in Lusitania Ecclesiastæ cuiusdam de Societate facundiam tam sanctam, nomenque tam inclytum, vt *Paulus* audiat à dicendi vi singulari.

*Lusitanus,
 Ausij.
 25. Nov.
 1590.*

Conciones.

Q 5 Pe.

*Martir.**Concio.**Vanitas
foemina-
rum.**Vocatio.*

Penetrabat aures, & corda:
 idque vt faceret, arte illâ
 utebatur, vt ad concionem
 dicturus se acerrimè verbe-
 raret, ac fleret coram Deo,
 oraretque flagranter. Etiam
 in ætate prouectâ pedes obi-
 bat missiones trans Tagum,
 libros ipse baiulans & cibi
 aliquid; vt nobilium conui-
 uia euitaret. Si nihil secum
 attulisset, precario victita-
 bat, Xenodochio diuerso-
 rij vice vsus. Mundum mu-
 liebrem insectatus est Apo-
 stolico spiritu plenus, citra
 humanas spes aut metum;
 & prædixit; breuî fore, vt
 vanum petulantemque illum
 splendorem barbaris darent
 foeminæ, ad maritos è vineu-
 lis redimendos; id quod post
 Africanam Sebastiani, Regis
 amabilis, cladem factum. So-
 cie-

cietatem tanti faciebat, ut
 diceret; se à porta nostra
 non recessurum, etiam si è
 Sociorum numero pellere-
 tur. In Christi Cruci affixi
 cogitatione mentem ita de-
 figebat, cum aliàs, tum verò
 quando enata illi nescio vbi
 caro ter à chirurgo secaba-
 tur; ut nihil doloris persen-
 serit, certè fortissimè dissimu-
 lârît. A quodam, qui pra-
 uos suos mores ab eo cor-
 rîpi agrè ferebat, vene-
 num illi in missione por-
 rectum haud vana opinio
 est. Vbi virus in venas
 grassari aduertit, in Xeno-
 dochium (non autem ad
 nobiles inuitantes) deferri
 voluit, gratias Deo agens,
 quòd in loco pauperum
 moreretur. Corpus Ebo-
 ram illatum est, pompâ om-

Crucif.

*Patien-
tia..*

Q 6 nium

nium ordinum rarò ibi spectatâ.

P. Antonius Franciscus

Critana.

Hispanus.
in Iaponia.
28. Noÿ.
1614.
ætat. 64.
Soc. 43.

Fides.

Anno 1584. in Indiam, inde in Iaponiam penetravit, zelo, & religione erga SSS. TRINITATEM ac Deiparam Virginem prorsus conspicuâ. Post felices ærumnas, & Euangelium totis viribus propagatum, proscripto, & in exilium nauiganti, mors grauissimis ærumnis accelerata vitæ finem attulit.

Leonardus Kimura. Coad.

Iapon.
Nangasachi.
28. Nou.
1619.
ætat. 44.
Soc. 17.

Humilis.

Maiores habuit quorum vnus ab ipso S. Francisco Xa- uerio fuerat baptizatus. Licet Nangasachi nobilis esset, ac literis perbenè operam nauasset, tamen maluit Coadiutorum albo adscribi, insigni exemplo. Alijs è Iapo.

ponia extorribus, ipse,
 superiorum iussu, latuit Nan-
 gafachi; vbi in carcerem
 coniectus, in eo vnâ cum
 alijs vixit velut in religiosâ
 domo. Manè horæ duę com-
 precationi datæ, altera ei
 quæ mente, altera ei quæ
 voce fit. Inde recitatæ San-
 ctorum omnium Litanix. Re-
 liquum otium pijs libellis
 lectitandis impensum vsque
 ad prandium. Post meri-
 diem vnâ iterum horâ ora-
 tum. Inde horę quatuor le-
 gendo, scribendoq; trãsmis-
 sã, iterumque secuta per ho-
 ram oratio. Feria quarta,
 sexta, & Sabbatum ieiunio,
 ac flagellationi dedicaban-
 tur. Feriã vi. in honorem
 quinque vulnerum Crucifi-
 xi, per quinque horas ora-
 tum. Vno anno, cum siue

*Ordo
dies.*

Oratio.

Monist.

so-

focijs hæreret in carcere, perangusto, nihil de consueta animi hilaritate dimisit, inediã se & quotidianã verberatione afflicto. Octuaginta sex capita ibidẽ Christo addixit, & abluit. An Iesuita esset rogatus; affirmavit: cur in Iaponia persistisset contra decretum; respondit: *ut Christi Evangelium predicarem*. Tum Iudex bis repetitã voce dixit: *Idcirco igne absumendum esse*. Mox actis gratijs Leonardus testes voluit adhiberi; se Evangelij causã damnari. Stipiti alligatus, igne iam in flammis gliscente ac erumpente, nullam doloris significationem dedit; aiebatque sibi nihil dolere: suaue esse dulce illud incendium. Ambustis vinculis,

li-

*Fides.**Lata patientia.**Mors.*

liberâ utraque manu prunas collegit, & illis caput, veluti rosis, coronans, cecinit: *Laudate Dominum, omnes gentes*; Christianis interea IESVM & MARIAM clamantibus.

Oration.

Rosa.

DECEMBER.

P. Edmundus Campianus.

Româ Brunam ad tirocinium missus, in Bohemia postea Rhetoricam, Dialecticam, Physicam docuit. Romam redire iussus, missu Pontificis in Angliam profectus est pedes cū P. Roberto Personio anno 1580. Audiebatur cum lachrymis à Catholicis, etiam quando *Missificantes*, ut ipsi Sacerdotes vocant, decreto proscripti sunt. Tunc decem

Anglus.

Londini

1. Decemb.

1581.

etat. 41.

Soc. 8.

Fides.

ra.